

engingz. (5) Quicunques auci est demorans on pourpris des dites communes trues, soient signeurs, chivelliers ou escuiers ou autres, il doit jureir les dites communes trues dedens le jour de Noiel prochiennement venant, et de lai en avant il ni seroit^a plus receu. (6) Cest a savoir li signours et lour officiers devant le nueyme, li chivelliers et li escuiers pardevant nous signeurs devant dis ou pardevant les bonnes villes ou pardevant leur certains officiers. Et auci li seigneurs et li gentilhommes puent un chescun bien^b jureir ces communes trues pardevant les consoulz des bonnes villes, ou il seroient bourjois dedens le pourprix de ces communes trues. (7) Et quicunques painrait teil sairment, il le doit par cognoissance faire metre an escrit et signier, par coy on saiche, quil soit des dites trues et que on soit tenus de lui aidier. (8) Et quicunques ne jurroit ces communes trues, il nan joroit point, et ne li seroit on point aidans pour raison de ces presantes trues, queil pomne^c ne queil bezoing que lan pouroient venir. Et doivent tuit cil, qui sont compris en ces presentes trues, estre aidies contre ceulz, qui leur mefferoient en aucune^d maniere contre les choses contenues en dites trues. (9) Et se damaiges estoient fais a aucuns dedens le pourpris des dites communes trues, de robeir, de airdre ou par prise ou autrement par quelcunque maniere que se fust, se il ou autres pour eaulz poient monstreir ceu et sen plaindoient auz plus prochiens signeurs ou a leur officiers, qui seroient des dites communes trues, ou auz plus prochiennes bonnes villes, deleiz les queiles li damaiges seroient fais, li signeurs, lour officiers ou lez bonnes villes, pardevant lez queilz li reclains averoit esteit fais, se il puent lez malfaitours justicier et contraindre par eaulz seulement, doivent deliurement et sens delay par lour sairment aidier celui ou ceulz, qui lez damaiges averont eut, a ceu que cilz damaiges lour soient rendus et restaublis, et li tropfais amendeir. (10) Et se li signeurs, leur officiers ou lez bonnes villes, aus queilz li reclains averoit esteit fais, ne poient les malfaitours justicier et contraindre, il doivent requerer les noef, que il sens delay les faicent aidier, a ceu que li damaiges soient rendus et restaublis, et il les y aideront et doivent aidier en la maniere, quil est contenus en ces presentes lettres. (11) Encor voulons nous, que aucuns^d des signeurs, des gentilhommes ne des bonnes villes, qui sont de ces trues, ne soient loieis ne

a) Corr. 'seroient' Or.
'ponnee'. d) 'ancun.' Or.

b) 'bn' Or.

c) So Or. Wohl für